



Broj: JN06-16-4-101-467/23

Datum: 10.11.2023.godine

U skladu sa članom 100. stav (3) Zakona o javnim nabavkama Bosne i Hercegovine („Sl.list BiH“, broj: 39/14 i 59/22), Mišljenja Komisije za javne nabavke od 08.11.2023. godine, a rješavajući po žalbi ponuđača ZU Apoteke B Pharm Novi Grad izjavljenoj na Odluku o izboru najpovoljnijeg ponuđača broj: JN06-16-4-101-432 od 23.10.2023. godine u postupku nabavke lijekova LOT 48– Hipoglikemici za potrebe Zavoda, upravnik Zavoda za izvršenje krivičnih sankcija, pritvora i drugih mjera BiH, d o s i:

RJEŠENJE

1. Usvaja se žalba ponuđača ZU Apoteke B Pharm Novi Grad izjavljena na Odluku o izboru najpovoljnijeg ponuđača, broj: JN06-16-4-101-432 od 23.10.2023. godine, u postupku javne nabavke lijekova LOT 48– Hipoglikemici za potrebe Zavoda za izvršenje krivičnih sankcija, pritvora i drugih mjera BiH, kao osnovana.
2. Poništava se Odluka o izboru najpovoljnije ponuđača broj: JN06-16-4-101-432 od 23.10.2023. godine.
3. Ugovor za javnu nabavku lijekova LOT 48– Hipoglikemici, dodjeljuje se ponuđaču ZU Apoteke B Pharm Novi Grad za ponuđenu cijenu od 9.291,00 KM bez PDV-a, kao najbolje ocjenjenom ponuđaču.

OBRAZLOŽENJE

Zavod za izvršenje krivičnih sankcija, pritvora i drugih mjera BiH pokrenuo je postupak javne nabavke putem otvorenog postupka javne nabavke (okvirni sporazum sa jednim dobavljačem) za nabavku lijekova (Lot 48) za potrebe Zavoda za izvršenje krivičnih sankcija, pritvora i drugih mjera BiH, obavještenje o nabavci br. 24650-1-1-104-3-50/23 je objavljeno 10.07.2023. godine na Portalu javnih nabavki, sa ispravkom obavještenja br: 24650-1-1-104-8-51/23 od 14.07.2023.godine, ispravkom obavještenja br: 24650-1-1-104-8-59/23 od 28.07.2023.godine, ispravkom obavještenja br: 24650-1-1-104-8-63/23 od 08.08.2023.godine i ispravkom obavještenja br: 24650-1-1-104-8-69/23 od 23.08.2023.godine.

Nakon provedenog postupka javne nabavke Ugovorni organ je donio Odluku o izboru najpovoljnijeg ponuđača broj: JN06-16-4-101-432 od 23.10.2023. godine, kojom je izabrana najpovoljnija ponuda ponuđača „Zefarm“ d.o.o. Zenica.

Odluka o izboru najpovoljnijeg ponuđača broj: JN06-16-4-101-432 od 23.10.2023. godine, u zakonskom predviđenom roku dostavljena je ponuđačima koji su učestvovali u postupku javne nabavke zajedno sa Obavještenjem o rezultatima postupka javne nabavke i Zapisnikom o pregledu i ocjeni ponuda.

Trećerangirani ponuđač ZU Apoteke B Pharm Novi Grad je dana 30.10.2023. godine izvršio uvid u ponudu prvorangiranog i drugorangiranog ponuđača te blagovremeno podnio žalbu, broj: JN06-16-4-

2337/23 od 31.10.2023. godine (poslana putem poštanske službe dana 03.11.2023. godine, a zaprimljena kod Ugovornog organa dana 07.11.2023.godine).

Ugovorni organ je prije razmatranja žalbe utvrđivao dopuštenost, blagovremenost te da li je žalba izjavljena od ovlaštenog lica, i od lica koje ima aktivnu legitimaciju, shodno članu 100. stav (1) Zakona o javnim nabavkama BiH, te utvrdio da je ista blagovremena, dopuštena i izjavljena od ovlaštenog lica koje ima aktivnu legitimaciju.

Postupajući po žalbi, razmotreni su navodi iz žalbe, izvršen je uvid u kompletnu dokumentaciju, te je izvršena ponovna analiza dokaza, a u odnosu na navode, te je utvrđeno da je žalba u cijelosti osnovana.

Komisija je pristupila detaljnoj provjeri svih navoda iz Žalbe:

Žalitelj smatra da je ponuđač „Zefarm d.o.o. Zenica“ ponudio lijek „Aglikem“ proizvođač Hemofarm d.o.o. koji ne postoji u pakovanju i dozi, a kako je traženo tenderskom dokumentacijom. Također tenderskom dokumentacijom, jasno je navedeno da ponuda mora da sadrži najmanje Izjavu ponuđača da je ponuđeni lijek registrovan kod Agencije za lijekove i medicinska sredstva BiH, što nedvosmisleno znači da svaki ponuđeni lijek mora da bude registrovan kod Agencije za lijekove i medicinska sredstva BiH. Uvidom u zvanični sajt ALMBIH utvrđuje se da je lijek „Aglikem“ registrovan samo u pakovanju 30x1000 mg, čime ponuđač ne ispunjava uslove propisane tenderskom dokumentacijom i u vezi sa tim, da je navedena ponuda nepravilna, ne ispunjava zahtjeve iz tenderske dokumentacije, te da se ponuda kao takva treba odbaciti.

Nadalje, žalitelj smatra da je ponuđač „PTG MGM Farm“ d.o.o. Kakanj u svojoj ponudi za stavku pod rednim brojem 5., a gdje je tražen „Vildagliptin“ 30x50 mg ponudio lijek „Galvus“ koji je u ovoj dozi registrovan samo u pakovanju od 28 tableta, a ne 30 tableta, kako je propisano tenderskom dokumentacijom i u vezi sa tim, da je ponuda nepravilna, ne ispunjava zahtjeve iz tenderske dokumentacije, te da se ponuda kao takva treba odbaciti u skladu sa članom 68. stav 4. tačka i) Zakona o javnim nabavkama BiH („Službeni list BiH, broj 39/14 i 59/22“).

Na osnovu svega navedenog, Komisija je detaljno pregledala ponude ponuđača „Zefarm d.o.o. Zenica“ i „PTG MGM Farm“ d.o.o. Kakanj za sve žalbene navode, te je nakon razmatranja dala svoje mišljenje, kako slijedi:

„Naknadnim istraživanjem registrovanih lijekova u BiH, ustanovljeno je da lijek Aglikem Hemofarm nije registrovan u pakovanju od 60x1000mg, kako je ponudio ponuđač "Zefarm" d.o.o. Zenica, nego samo u pakovanju 30x1000mg.

Takođe je ustanovljeno da lijek Galvus nije registrovan u pakovanju od 30x50mg kako je ponudio ponuđač "MGM farm" d.o.o. Kakanj, nego samo u pakovanju 28x50mg.

Zbog svega navedenog, Komisija za javne nabavke predlaže da se Žalba usvoji kao osnovana i Odluka o izboru za LOT 48 - Hipoglikemici dodijeli ponuđaču "ZU apoteke B Pharm Novi Grad".

Napominjemo, da smo ponovo pregledali i lijekove koje je ponudio ponuđač "ZU Apoteke B Pharm Novi Grad" i ustanovili da su svi ponuđeni lijekovi registrovani kod Agencije za lijekove i medicinska sredstva BiH".

Imajući u vidu prethodno navedeno, a zbog činjenice da je postupak javne nabavke strogo formalan postupak i da svaki nedostatak predstavlja osnov za odbacivanje ponude sa nedostatkom, uložena žalba ponuđača "ZU Apoteke B Pharm" Novi Grad je osnovana te se ponude ponuđača „Zefarm“ d.o.o. Zenica i „PTG MGM Farm“ d.o.o. Kakanj odbacuju kao nepravilne.

Stavlja se van snage Odluka o izboru najpovoljnijeg ponuđača broj: JN06-16-4-101-432/23 od 23.10.2023.godine, i okvirni sporazum za nabavku lijekova LOT 48 – Hipoglikemici za potrebe Zavoda, dodjeljuje se ponuđaču "ZU Apoteke B Pharm" Novi Grad u ukupnom iznosu od 9.291,00 KM bez PDV-a, kao najbolje ocjenjenom ponuđaču, jer je u ponovnom pregledu i ocjeni ponuda utvrđeno da su ponuđeni lijekovi registrovani kod Agencije za lijekove i medicinska sredstva BiH.

POUKA O PRAVNOM LIJEKU

Protiv ovog Rješenja Ugovornog organa može se izjaviti žalba Uredu za razmatranje žalbi Bosne i Hercegovine, putem Ugovornog organa u pisanoj formi direktno ili preporučenom poštanskom pošiljkom, najkasnije u roku od 10 (deset) dana od dana prijema ovog Rješenja.



Dostaviti:
-učesnicima
-a/a